



Proklamation



zum Egerchinger' Narrechlapp 1980

O LIEBI GMEIN! I CHA NÜMM WARTE,
IM NEUE JOHR JETZ D`FASNECHT Z`STARTE.
FÜR EUCH, E HUFFE GROSS A ZAHL,
GILTS MOTTO: „ KEIS PROMILL NORMAL“!

FÜR ALLI, UO WO NÜMM CHÖI SPRINGE,
HET D`FASNACHTSGESELLSCHAFT EGERKINGE
IM NÜÜNZÄHACHZGI ÖPPIS Z`LACHE.
IM HOFF` , DASS ALLI MIT WIE MACHE.

I EUSEM DORF, MUESCH DOCH NIT HÜÜLE,
CHASCH NIT ALL TAG NUR D`SUNNE FÜÜHLE.
DIR GSEHT`SA EUSERE GMEINSVERWALTIG :
NIT IMMER Klappt DIE DORFGESTALTIG.

DER LEO HET E STROSSEGARTE,
BIM BELSER MUESS ME NO CHLI WARTE,
WILL LIEBER NUR MIT HALBER CHRAFT
DER MARTI HALT IM WINTER SCHAFFT.

OU POSITIVS DARF I EUCH BRINGE,
DENN GMEINSVERWALTIG EGERKINGE
WETT NÖCHSTENS, SÏSCH FASCH NIT ZUM DÄNKE,
GRAD NONEMOLL DER STÜRFUESS SÄNKE.

I WELEM JOHR DASS D`STÜRE CHASCH SPAARE
DAS HEI MIR LEIDER NIT ERFAHRE.
ES ISCH IS GLICH! MIR SI IM SCHUSS!
VERCHLÖPF DAS GÄLD HÜT! DUSS ISCH DUSS.

WENN`S GÄLD DENN GLICH NIT SÖTTI GNÜEGE,
MUESCH DI DOCH NIT EM SCHIKSAL FÜEGE:
VERCHAUF SCH DIS SILBERBSTECK VERMÄSSE
WILL LIEBER ZÜUFFE HESCH ALS Z`ÄSSE

OU`S VRENELI ISCH SCHNÄLL VERCHOUFT,
(DAS US GOLD, NIT DAS, WO LAUFT!)
UF DIE ART CHASCH DU D`FASNACHT GNIESSE
UND`S GÄLD, DER WY UND`S BIER LO FLIESSE!

DER GMEINROT CHA SI WAAR VERRUUME!
MIR WIE NÜMM WARTE, CHÖI NIT SUUME!
HERR AMME, GÄHT JETZ AB D`REGIERIGSGWALT!
MIR FÜEHRE D`GMEINSGSCHÄFT SO, DASS ALLNE GFALLT.

BIS ÄSCHERMITTWUCH GÖ MIR DRA,
SO LANG, SO OFT - WIES JEDE CHA.
DIE SCHÖNSCHTI WUCHE VOM FEBRUAR
WÜNSCHT EUCH

ERNSTO, OBERNARR!

NEGERCHINGE, AM 13. FEBRUAR 1980

ERNESTO I. , DER LOCKIGE

ERNESTO I.